

UNIVERZITET U SARAJEVU  
ELEKTROTEHNIČKI FAKULTET

Na osnovu člana 135. Zakona o visokom obrazovanju Kantona Sarajevo ("Službene novine Kantona Sarajevo", br. 33/17, 35/20, 40/20 i 39/21), člana 104. Statuta Univerziteta u Sarajevu, broj: 01-1093-3-1/18 od 28.11.2018. godine, Vijeće Univerziteta u Sarajevu – Elektrotehnički fakultet na 13. redovnoj sjednici održanoj dana 05.09.2022. godine donosi

PRAVILNIK O NAGRADI  
"Marko Zirojević"

Član 1.

- (1) Ovim se Pravilnikom određuju uslovi za dodjelu nagrade najboljem studentu II godine drugog ciklusa studija Univerziteta u Sarajevu – Elektrotehnički fakultet - Nagrada "Marko Zirojević" (u daljem tekstu skraćeno: *Pravilnik*).
- (2) Nagrada je godišnja i dodjeljuje se na osnovu prethodno dostavljenog prijedloga Komisije za provođenje postupka dodjele nagrade najboljem studentu II godine drugog ciklusa studija Univerziteta u Sarajevu – Elektrotehnički fakultet.
- (3) Naziv nagrade: *Nagrada "Marko Zirojević"*
- (4) Postupak za dodjelu nagrade iz stava (2) ovog člana pokreće se odlukom Dekana Univerziteta u Sarajevu – Elektrotehnički fakultet, te se ista dostavlja Komisiji za provođenje postupka dodjele nagrade najboljem studentu II godine drugog ciklusa studija.

Član 2.

- (1) Komisiju za provođenje postupka dodjele nagrade najboljem studentu II godine drugog ciklusa studija čine svi šefovi odsjeka vijeća Univerziteta u Sarajevu – Elektrotehnički fakultet (u daljem tekstu skraćeno: *Komisija*).
- (2) Prilikom donošenja svoga prijedloga, Komisija je dužna uzeti u razmatranje sljedeće kriterije:
  - Najveći ostvareni prosjek ocjena studenta na prvom ciklusu studija i prvoj godini drugog ciklusa studija;
  - Da tokom trajanja prvog ciklusa studija student nije niti jednom obnovio godinu studija;
  - Drugi kriteriji koje Komisija smatra relevantnim.

(3) Komisija svoj prijedlog iz stava (2) ovog člana dostavlja na razmatranje Dekanu Univerziteta u Sarajevu – Elektrotehnički fakultet.

Član 3.

- (1) Dekan Univerziteta u Sarajevu – Elektrotehnički fakultet donosi odluku o nagrađivanju studenta II godine drugog ciklusa studija na osnovu prethodno dostavljenog prijedloga Komisije iz člana 2. ovog Pravilnika.
- (2) Dekan Univerziteta u Sarajevu – Elektrotehnički fakultet svake godine određuje visinu nagrade (visina novčanog iznosa) koja će se isplatiti najboljem studentu II godine drugog ciklusa studija Univerziteta u Sarajevu – Elektrotehnički fakultet, u dogovoru sa donatorima.

(3) Odluka iz prethodnog stava ovog člana mora biti obrazložena.

Član 4.

Komisija iz člana 2. stav (1) ovog Pravilnika za svoj rad neće primiti naknadu, a obavezna je voditi zapisnik o svome radu, te se isti dostavlja Dekanu Univerziteta u Sarajevu – Elektrotehnički fakultet uz prijedlog iz člana 2. stav (3) ovog Pravilnika.

Član 5.

(1) Nagrada iz člana 1. stav (2) ovog Pravilnika se sastoji od potvrde *Nagrada "Marko Zirojević"* kao i određenog novčanog iznosa.

(2) Nagradu iz člana 1. stav (2) ovog Pravilnika uručuje Dekan Univerziteta u Sarajevu – Elektrotehnički fakultet.

Član 6.

Izmjene i dopune ovog Pravilnika donose se na isti način na koji je donesen Pravilnik.

Član 7.

Ovaj Pravilnik stupa na snagu slijedećeg dana od dana njegove objave na oglasnoj ploči i zvaničnoj web stranici Univerziteta u Sarajevu – Elektrotehnički fakultet.

Broj: 02-4549/22  
Sarajevo, 05.09.2022. godine

DEKAN

Prof. dr. Jasmin Velagić

Pravilnik je objavljen na oglasnoj ploči i web stranici Univerziteta u Sarajevu – Elektrotehnički fakultet, dana 07.09.2022. godine.

